



## LEKHOTLA LA TAOLO EA MOTLAKASE LE METSI LESOTHO (LEWA)

### **PHATLALATSO EA KOPO EA K'HAMPHANI EA MOTLAKASE LESOTHO (LEC) EA HO NYOLLA LITHEKO TSA LITŠEBELETSA TSA MOTLAKASE SELEMONG SA LICHELETE**

**SA 2018-19**

#### **A. Selekela**

Lekhotla la Taolo ea Motlakase le Metsi Lesotho (LEWA) le phatlalatsa hore K'hamphani ea LEC, e filoeng lengolo (Licence) ho latela Khaolo ea 50 ea Molao oa LEA oa 2002 o hlomathisitsoeng, e entse kopo ea hore litheko tsa litšebeliso tsa motlakase li hlahlajoe bocha 'me li tle li kene tšebetsong Selemong sa Lichelete sa 2018/19. Kopo eo e ipapisitse le Khaolo ea 24 ea Molao oa LEA oa 2002, o hlomathisitsoeng.

#### **B. Mabaka ao LEC e a behileng kopong:**

LEC e kopa Lekhotla hore le e lumelle ho nyolla litheko tsa litšebeliso tsa motlakase (Energy Charges), le tsa Sekhahla se Phahameng sa Tšebeliso ea Motlakase (Maximum Demand Charges) ka linoko tse 23.2 lekholong (23.2 %) mekhahlelong eohle ea basebelisi ba motlakase Selemong sa Lichelete sa 2018/19. K'hamphani e re Selemong sa Lichelete sa 2018/19 e tla hloka chelete e M1.04 billione ho phetha mosebetsi oa eona. LEC e hlalosa hore a mang a mabaka a ho etsa kopo ena, ke hore litheko tsa motlakase (electricity bulk purchases) o tsoang litsing tsa phehlo tse kantle ho naha e leng Eskom (ea Afrika Boroa) le EDM (ea Mozambique), li lebelletsoe ho nyoloha. Ho feta mona K'hamphani e re le litšenyehelo tsa eona tsa ho phethahatsa phephelo ea motlakase kahar'a naha li ntse li phahama.

Ka kotloloho LEC e supa hore litšenyehelo tse latelang ke tsona tse ka sehloohong kopong ea eona:

<b>Lebaka laTšenyehelo</b>	<b>Chelete</b>
Theko ea motlakase ho tsoa ESKOM le EDM	M 426 million
Litšenyehelo tsa tšebetso tsa letsatsi le letsatsi	M 303 million
Litšenyehelo tsa ho lokisa le ho baballa thepa	M 64 million
Mafura a Setsi sa Phehlo ea Motlakase Semonkong	M 2 million

Lebaka laTšenyehelo	Chelete
Litšenyehelo tsa ho reka thepa e ncha bakeng sa e tsofetseng	M 113 million
Phaello holima thepa ea tšebetso	M 128 million

### C. Moo litokomane tsa kopo li ka fumanehang:

Litokomane tsa kopo ena ea LEC li teng liofising tsa LEWA, Maseru, Moposo House, mokatong oa bosupa; le marang-rang a Lekhotla: [www.lewa.org.ls](http://www.lewa.org.ls). Likopi tse ling li ea fumaneha liofising tsa Babusi ba Litereke (District Administrators) literekeng tsohle kantle ho Maseru.

### D. Khoelehetso ea Maikutlo a Sechaba:

Ho latela khaolo ea 24 (6) ea Molao oa LEA, o hlomathisitsoeng, LEWA e etsa khoelehetso ea hore sechaba le bohle ba ka khahloang, ba ka romella maikutlo a ngotsoeng liofising tsa Lekhotla mabapi le kopo ena ea LEC, e le hore ba be le seabo le hona ho nka karolo litabeng tse isang qetong eo Lekhotla le tla e etsa. Batho ba ka khahloang ho thathiselletsa kapa hona ho hlakisa maikutlo a bona holim'a **litheko** tsena kapel'a Lekhotla, ba koptjoa ho hlalosa ka mangolo nakong eo ba romellang maikutlo a ngotsoeng ho LEWA. Maikutlo a ngotsoeng holim'a taba tsena a lokela ho finyella liofising tsa Lekhotla letsatsing la Labohlano **la la 02 Tlhakubele, 2018 ka hora ea bohlanho mantsiboea (17:00hrs) kapa pele ho moo.**

### E. Maikutlo kapa lipotso li ka romelloa ho:

The Manager

Economic Regulation Department  
Lesotho Electricity and Water Authority  
7<sup>th</sup> Floor Moposo House, Maseru  
P/Bag A315 , MASERU

Email: [TNtlama@lewa.org.ls](mailto:TNtlama@lewa.org.ls) /  
[secretary@lewa.org.ls](mailto:secretary@lewa.org.ls)  
Tel: 22 312479  
Fax: 22 315094